



Na osnovu člana 11. stav 3. Zakona o zaštiti ličnih podataka („Službeni glasnik BiH“ br. 49/06, 76/11 i 89/11) i člana 16. Zakona o upravi („Službeni glasnik BiH“ br. 32/02 i 102/09), direktor Uprave za indirektno oporezivanje, d o n o s i :

**PRAVILNIK
O PROVEDBI ZAKONA O ZAŠTITI LIČNIH PODATAKA
U UPRAVI ZA INDIREKTNO OPOREZIVANJE**

GLAVA I. OPĆE ODREDBE

**Član 1.
(Predmet Pravilnika)**

Pravilnikom o provedbi Zakona o zaštiti ličnih podataka u Upravi za indirektno oporezivanje (u daljnjem tekstu: Pravilnik) propisuju se pravila i procedure u Upravi za indirektno oporezivanje (u daljnjem tekstu: UIO) za primjenu osnovnih principa zakonite obrade ličnih podataka u UIO, postupak davanja ličnih podataka korisniku i prijenos podataka u inostranstvo, pravila za ostvarivanje prava nosioca podataka, način i postupak vođenja evidencija propisanih Zakonom o zaštiti ličnih podataka („Službeni glasnik BiH“ br. 49/06, 76/11 i 89/11 - u daljnjem tekstu: Zakon), te donošenje Plana sigurnosti podataka u UIO.

**Član 2.
(Definicija)**

Izrazi koji se koriste u ovom Pravilniku imaju isto značenje kao u Zakonu.

**Član 3.
(Pravni osnov)**

UIO, kao kontrolor, uspostavlja, vodi i obrađuje zbirke ličnih podataka na osnovu zakonskih ovlaštenja propisanih:

- a) Zakonom o sistemu indirektnog oporezivanja u Bosni i Hercegovini („Službeni glasnik BiH“ br. 44/03, 52/04, 34/07, 4/08 i 49/09);
- b) Zakonom o Upravi za indirektno oporezivanje („Službeni glasnik BiH“, broj 89/05);
- c) Zakonom o postupku indirektnog oporezivanja („Službeni glasnik BiH“, broj 89/05);
- d) Zakonom o carinskoj politici Bosne i Hercegovine („Službeni glasnik BiH“, br. 57/04, 51/06, 93/08, 54/10 i 76/11);
- e) Zakonom o carinskim prekršajima („Službeni glasnik BiH“ broj 88/05);
- f) Zakonom o prekršajima („Službeni glasnik BiH“ broj 41/07);
- g) Zakonom o porezu na dodatu vrijednost („Službeni glasnik BiH“ br. 9/05, 35/05 i 100/08);
- h) Zakonom o akcizama u Bosni i Hercegovini („Službeni glasnik BiH“ broj 49/09);
- i) Zakonom o postupku prinudne naplate („Službeni glasnik BiH“ br. 89/05 i 62/11);
- j) Zakonom o uplatama na jedinstveni račun i raspodjeli prihoda („Službeni glasnik BiH“ br. 55/04 i 34/07);
- k) Zakonom o upravi („Službeni glasnik BiH“ br. 32/02 i 102/09);

- l) Zakonom o radu u institucijama Bosne i Hercegovine („Službeni glasnik BiH“ br. 26/04, 7/05, 48/05 i 60/10);
- m) Zakonom o državnoj službi u institucijama Bosne i Hercegovine („Službeni glasnik BiH“, br. 19/02, 35/03, 4/04, 17/04, 26704, 37/04, 48/05, 02/06, 32/07, 43/09 i 08/10);
- n) Zakonom o platama i naknadama u institucijama Bosne i Hercegovine („Službeni glasnik BiH“, br. 50/08, 35/09 i 75/09, 32/12, 42/12).

GLAVA II. PRIMJENA OSNOVNIH PRINCIPA ZAKONITE OBRADJE LIČNIH PODATAKA

Član 4. (Zakonitost i pravičnost)

(1) UIO, kao kontrolor, u skladu sa odredbom člana 14. stav. 5. Zakona, bez obaveze prethodnog obavještanja Agencije za zaštitu ličnih podataka u Bosni i Hercegovini, uspostavlja, vodi i obrađuje slijedeće zbirke ličnih podataka:

- a) Evidenciju o zaposlenim na osnovu Zakona o Upravi za indirektno oporezivanje („Službeni glasnik BiH“ broj 89/05), Zakona o radu u institucijama Bosne i Hercegovine („Službeni glasnik BiH“, broj 26/04, 7/05, 48/05 i 60/10) i Zakona o državnoj službi u institucijama Bosne i Hercegovine („Službeni glasnik BiH“ br. 19/02, 35/03, 4/04, 17/04, 26704, 37/04, 48/05, 02/06, 32/07, 43/09 i 08/10);
- b) Evidenciju o obračunu i isplatama plata zaposlenim u UIO na osnovu Zakona o platama i naknadama u institucijama Bosne i Hercegovine („Službeni glasnik BiH“ br. 50/08, 35/09 i 75/09, 32/12, 42/12);
- c) Evidenciju o primjedbama na ponašanje zaposlenih na osnovu Pravilnika o postupku rješavanja primjedbi broj: 02-3589/06 od 27.06.2006. godine;
- d) Evidenciju o izdatim prekršajnim nalogima i podnesenim zahtjevima za pokretanje prekršajnog postupka zbog povrede zakona o indirektnim porezima na osnovu Zakona o Upravi za indirektno oporezivanje („Službeni glasnik BiH“ broj 89/05), Zakona o postupku indirektnog oporezivanja („Službeni glasnik BiH“ broj 89/05) i Zakona o prekršajima („Službeni glasnik BiH“ broj 41/07);
- e) Evidenciju o podnesenim izvještajima nadležnim tužilaštvima o postojanju osnova sumnje o počinjenim krivičnim djelima zbog povrede zakona o indirektnim porezima, na osnovu Zakona o Upravi za indirektno oporezivanje („Službeni glasnik BiH“, broj 89/05) i Zakona o postupku indirektnog oporezivanja („Službeni glasnik BiH“, broj 89/05);
- f) Evidenciju o nadgledanim predmetima u radu zbog povrede zakona o indirektnim porezima, na osnovu Zakona o Upravi za indirektno oporezivanje („Službeni glasnik BiH“, broj 89/05) i Zakona o postupku indirektnog oporezivanja („Službeni glasnik BiH“, broj 89/05);
- g) Evidenciju o obavještajnim predmetima u radu na osnovu Zakona o Upravi za indirektno oporezivanje („Službeni glasnik BiH“, broj 89/05) i Zakona o postupku indirektnog oporezivanja („Službeni glasnik BiH“, broj 89/05);
- h) Evidenciju o nedostupnim poreznim obveznicima na osnovu Zakona o Upravi za indirektno oporezivanje („Službeni glasnik BiH“, broj 89/05) i Zakona o postupku indirektnog oporezivanja („Službeni glasnik BiH“, broj 89/05);
- i) Evidenciju o centralnim obavještajnim informacijama na osnovu Zakona o Upravi za indirektno oporezivanje („Službeni glasnik BiH“, broj 89/05) i Zakona o postupku indirektnog oporezivanja („Službeni glasnik BiH“ broj 89/05);
- j) Evidenciju o obradi ličnih podataka putem video nadzora, na osnovu Odluke o korištenju video nadzora
- k) Evidenciju o izvršenim kontrolama indirektnih poreza na osnovu Zakona o postupku indirektnog oporezivanja („Službeni glasnik BiH“, broj 89/05), Zakona o Upravi za indirektno oporezivanje („Službeni glasnik BiH“, broj 89/05) i Zakona o carinskoj politici Bosne i Hercegovine („Službeni glasnik BiH“ br. 57/04, 51/06, 93/08, 54/10 i 76/11);
- l) Evidenciju o Jedinostvenom registru obveznika indirektnih poreza na osnovu Zakona o Upravi za indirektno oporezivanje („Službeni glasnik BiH“, broj 89/05) i Zakona o porezu na dodatu vrijednost („Službeni glasnik BiH“, br. 9/05, 35/05 i 100/08);

m) Evidenciju o izdatim i zamijenjenim službenim iskaznicama na osnovu Zakona o Upravi za indirektno oporezivanje („Službeni glasnik BiH“, broj 89/05);

(2) UIO, po potrebi, uspostavlja i zbirke ličnih podataka uz prethodno obavještanje Agencije za zaštitu ličnih podataka, na način i po postupku propisanom Zakonom i Pravilnikom o načinu vođenja evidencije o zbirkama ličnih podataka („Službeni glasnik BiH“, broj 67/09).

Član 5. **(Svrha obrade)**

(1) Obradu ličnih podataka sadržanih u zbirkama ličnih podataka iz člana 4. ovog Pravilnika, UIO vrši u javnom interesu, u skladu sa odredbom člana 6. stav (1) tačke a) i d) Zakona, bez suglasnosti nosioca podataka.

(2) Lični podaci iz stava (1) ovog člana obrađuju se u slijedeće svrhe:

a) Lični podaci u Evidenciji o zaposlenim obrađuju se u svrhu regulisanja radno pravnog statusa, te prava i obaveza zaposlenih u UIO, u skladu sa odredbama Zakona o Upravi za indirektno oporezivanje („Službeni glasnik BiH“ broj 89/05), Zakona o radu u institucijama Bosne i Hercegovine („Službeni glasnik BiH“, broj 26/04, 7/05, 48/05 i 60/10) i Zakona o državnoj službi u institucijama Bosne i Hercegovine („Službeni glasnik BiH“ br. 19/02, 35/03, 4/04, 17/04, 26704, 37/04, 48/05, 02/06, 32/07, 43/09 i 08/10);

b) Lični podaci u Evidenciji o obračunu i isplatama plata obrađuju se u svrhu isplate plate i drugih naknada zaposlenim, te u svrhu ispunjavanja obaveza koje UIO kao budžetska institucija ima prema drugim organima i institucijama u skladu sa odredbama Zakona o platama i naknadama u institucijama Bosne i Hercegovine („Službeni glasnik BiH“ br. 50/08, 35/09 i 75/09, 32/12. 42/12), te drugim propisima koji se odnose na ovu oblast.

c) Lični podaci u Evidenciji o primjedbama na ponašanje zaposlenih obrađuju se u svrhu preispitivanja standarda i pravila ponašanja utvrđenih u Kodeksu ponašanja zaposlenih u Upravi za indirektno oporezivanje, a na osnovu Pravilnika o postupku rješavanja primjedbi broj: 02-3589/06 od 27.06.2006. godine;

d) Lični podaci u Evidenciji o izdatim prekršajnim nalogima i podnesenim zahtjevima za pokretanje prekršajnog postupka zbog povrede zakona o indirektnim porezima, obrađuju se u svrhu preduzimanja zakonom propisanih radnji koje se odnose na pokretanje i vođenje prekršajnog postupka za prekršaje počinjene kršenjem propisa o indirektnom oporezivanju, a na osnovu Zakona o Upravi za indirektno oporezivanje („Službeni glasnik BiH“, broj 89/05), Zakona o postupku indirektnog oporezivanja („Službeni glasnik BiH“ broj 89/05) i Zakona o prekršajima („Službeni glasnik BiH“ broj 41/07);

e) Lični podaci u Evidenciji o podnesenim izvještajima nadležnim tužilaštvima o postojanju osnova sumnje o počinjenim krivičnim djelima zbog povrede zakona o indirektnim porezima, obrađuju se u svrhu preduzimanja zakonom propisanih radnji vezanih uz prijavljivanje i procesuiranje počinitelja krivičnih djela, a na osnovu Zakona o Upravi za indirektno oporezivanje („Službeni glasnik BiH“, broj 89/05) i Zakona o postupku indirektnog oporezivanja („Službeni glasnik BiH“ broj 89/05);

f) Lični podaci u Evidenciji o nadgledanim predmetima u radu obrađuju se u svrhu planiranja zakonom propisanih mjera i radnji, i prikupljanja dokaza u cilju prijavljivanja i procesuiranja počinitelja krivičnih djela zbog povrede zakona o indirektnim porezima, a na osnovu Zakona o Upravi za indirektno oporezivanje („Službeni glasnik BiH“, broj 89/05) i Zakona o postupku indirektnog oporezivanja („Službeni glasnik BiH“ broj 89/05);

g) Lični podaci u Evidenciji o obavještajnim predmetima u radu, obrađuju se u svrhu provjere ispunjenosti uslova za preduzimanje zakonom propisanih radnji vezanih za procesuiranje prekršaja i krivičnih djela iz oblasti indirektnih poreza, a na osnovu Zakona o Upravi za indirektno oporezivanje („Službeni glasnik BiH“, broj 89/05), Zakona o postupku indirektnog oporezivanja („Službeni glasnik BiH“, broj 89/05) i Zakona o prekršajima („Službeni glasnik BiH“ broj 41/07);

h) Lični podaci u Evidenciji o nedostupnim poreznim obveznicima, obrađuju se u svrhu preduzimanja zakonom propisanih radnji na onemogućavanju vršenja fiktivnog prometa, a na osnovu Zakona o Upravi za indirektno oporezivanje („Službeni glasnik BiH“, broj 89/05) i Zakona o postupku indirektnog oporezivanja („Službeni glasnik BiH“, broj 89/05);

i) Lični podaci u Evidenciji o centralnim obavještajnim informacijama (CEOI) obrađuju se u svrhu razmjene obavještajnih informacija i poduzimanja obavještajnih aktivnosti, u cilju otkrivanja i sprječavanja povrede zakona o indirektnim porezima, a na osnovu Zakona o Upravi za indirektno oporezivanje („Službeni glasnik BiH“, broj 89/05) i Zakona o postupku indirektnog oporezivanja („Službeni glasnik BiH“, broj 89/05);

j) Lični podaci u Evidenciji o obradi ličnih podataka putem video nadzora obrađuju se u svrhu obezbjeđenja dokaza u postupcima koje Uprava vodi u okrivu svoje nadležnosti i ustupanja istih drugim nadležnim organima na osnovu Odluke o korištenju video nadzora;

k) Lični podaci u Evidenciji o izvršenim kontrolama indirektnih poreza obrađuju se u svrhu kontrole poštovanja obaveza po osnovu indirektnih poreza, a na osnovu Zakona o Upravi za indirektno oporezivanje („Službeni glasnik BiH“, broj 89/05), Zakona o postupku indirektnog oporezivanja („Službeni glasnik BiH“, broj 89/05) i Zakona o carinskoj politici Bosne i Hercegovine („Službeni glasnik BiH“, br.57/04, 51/06, 93/08, 54/10 i 76/11) i Zakonom o porezu na dodatu vrijednost („Službeni glasnik BiH“, br.9/05, 35/05 i 100/08);

l) Lični podaci u Evidenciji o Jedinstvenom registru obveznika indirektnih poreza, obrađuju se u svrhu provedbe zakona koji reguliraju oblast indirektnih poreza, a na osnovu Zakona o Upravi za indirektno oporezivanje („Službeni glasnik BiH“, broj 89/05), Zakona o porezu na dodatu vrijednost („Službeni glasnik BiH“, br. 9/05, 35/05 i 100/08) i u skladu sa njim donesenim podzakonskim propisima i Zakona o akcizama u Bosni i Hercegovini („Službeni glasnik BiH“, broj 49/09);

m) Lični podaci u Evidenciji o izdatim i zamijenjenim službenim iskaznicama, obrađuju se u svrhu dokazivanja identiteta i ovlaštenja ovlaštenih službenih lica, a na osnovu Zakona o Upravi za indirektno oporezivanje („Službeni glasnik BiH“, broj 89/05).

Član 6. **(Mjera i obim)**

Podatke o zbirkama ličnih podataka iz člana 4. ovog Pravilnika UIO obrađuje u obimu koji je utvrđen u propisima koji predstavljaju pravni osnov za vođenje ovih evidencija, i to:

a) Evidencija o zaposlenim vodi se u obliku administrativnog dosjea za svakog zaposlenog posebno i u obliku knjige o zaposlenim i sadrži slijedeće vrste ličnih podataka: ime i prezime, ime oca, dan, mjesec i godina rođenja, pol, JMBG, adresu prebivališta, državljanstvo, nacionalnost, vrsta i stepen stručne spreme, o nevođenju krivičnog postupka, o zdravstvenoj sposobnosti za obavljanje određenih poslova, o ocjeni rada, o prethodnom radnom stažu, o reguliranju vojne obaveze, da nije otpušten iz državne službe kao rezultat disciplinske mjere u posljednje tri godine prije zaposlenja i da nije obuhvaćen odredbom člana IX 1. Ustava Bosne i Hercegovine, datum zasnivanja radnog odnosa, datum prestanka radnog odnosa, o disciplinskim mjerama, o godišnjem odmoru, o novčanoj nagradi, o dopunskoj djelatnosti, o porodičnom statusu, podaci o osiguranim

članovima porodice, podaci o imovini zaposlenog i članova uže porodice, podaci o svojim aktivnostima, podaci o djelatnostima i funkcijama koje obavljaju članovi uže porodice.

b) Evidencija o obračunu i isplata plata vodi se u obliku različitih izvještaja na mjesečnom i godišnjem nivou i sadrži slijedeće vrste ličnih podataka: ime, ime oca i prezime, pol, JMBG, broj socijalnog osiguranja, kvalifikacija, općina stanovanja zaposlenog, adresa stanovanja zaposlenog, općina stanovanja porodice, općina PIO, općina zdravstva, općina doprinosa za zapošljavanje, radno mjesto, kategorija ovlaštenja, datum zaposlenja, prethodni staž, banka, transakcijski račun banke, račun zaposlenika, platni razred i osnovni koeficijent, podaci o prihodima porezima i doprinosu, o prisustvovanju na poslu, o bolovanju, o iznosu bruto i neto plate i naknadama.

c) Evidencija o primjedbama na ponašanje zaposlenih vodi se u elektronskom obliku i sadrži: redni broj, datum podnošenja primjedbe, ime i prezime podnosioca primjedbe, adresa, kontakt telefon, svojstvo podnosioca primjedbe, kratak opis primjedbe, ime i prezime, šifra, radno mjesto, organizaciona jedinica zaposlenog na kojeg se odnosi primjedba, preduzete mjere, odgovor na primjedbu, pisano obavještenje o toku rješavanja primjedbe, mjere preduzete protiv zaposlenog, disciplinska odgovornost zaposlenog, napomena.

d) Evidencija o izdatim prekršajnim nalogima i podnesenim zahtjevima za pokretanje prekršajnog postupka zbog povrede zakona o indirektnim porezima vodi se u elektronskom obliku i sadrži podatke: naziv organizacione jedinice koja je izdala prekršajni nalog ili podnijela zahtjev za pokretanje prekršajnog postupka, broj prekršajnog naloga ili zahtjeva za pokretanje prekršajnog postupka, podaci o licu kojem je nalog izdat ili protiv kojeg je zahtjev za pokretanje prekršajnog postupka podnesen (za fizičko lice: ime i prezime, ime jednog roditelja, JMBG, adresa; za pravno lice: jedinstveni identifikacioni broj, naziv i sjedište i podaci o odgovornom licu identični podacima za fizičko lice), pravnu kvalifikaciju prekršaja, sankcija izrečena prekršajnim nalogom ili rješenjem suda, sporazum o sankciji, da li je izrečena novčana kazna plaćena, naziv prvostepenog suda i broj odluke donijete povodom podnijetog zahtjeva za pokretanje prekršajnog postupka, naziv drugostepenog suda i broj odluke donijete povodom izjavljene žalbe;

e) Evidencija o podnesenim izvještajima nadležnim tužilaštvima o postojanju osnova sumnje o počinjenim krivičnim djelima zbog povrede zakona o indirektnim porezima vodi se u elektronskom obliku i sadrži podatke: redni broj, broj upisnika, podnosilac prijave, datum podnošenja, naziv pravnog lica, prezime, očevo ime i ime prijavljenog, datum i mjesto rođenja, prebivalište, nacionalnost, zanimanje, iznos štete u KM, oštećeni, vrsta robe, pravna kvalifikacija djela, naziv organa kojem je prijava dostavljena, tip prijave (izvještaj, obavještenje), dopuna, zahtjev za prikupljanje podataka, odbačaj, obustava, optužnica, presuda, izvršioци predmeta, primjedba.

f) Evidencija o nadgledanim predmetima u radu zbog povrede zakona o indirektnim porezima vodi se u elektronskom obliku i sadrži podatke: redni broj, ime službenika i broj predmeta, datum, naziv predmeta, vrsta prijave, vrijednost robe, vrijednost uskraćenih dažbina, faze istrage, iznos izrečenih kazni i zaštitnih mjera, napomena, slučaj arhiviran.

g) Evidencija o obavještajnim predmetima u radu vodi se u elektronskom obliku i sadrži podatke: redni broj, broj baze obavještajnih podataka, datum prijema informacije, zaduženi službenik, organizaciona jedinica koja izvještava, izvor informacija (osnovni, pun naziv), fizičko lice koje se navodi u informaciji, pravno lice koje se navodi u informaciji, vozilo koje se navodi u informaciji, lokalitet (općina, pun naziv) vrsta robe (osnovni, pun naziv), kratak opis informacije, provjera/obrada informacije-opis, broj obrađenih subjekata u informaciji, indikacije o obliku povrede propisa, procjena vrijednosti kroz količine robe po povredi propisa, vrsta prihoda, informacija prosljeđena na nadležno postupanje ili upućen odgovor (korisnici), rezultati provjere, finansijski učinak, informacija prosljeđena COBP-u, naknadna dopuna/obrada predmeta;

h) Evidencija o nedostupnim poreznim obveznicima vodi se u elektronskom obliku i sadrži podatke: redni broj, naziv firme, JIB firme, sjedište (puna adresa), ime ovlaštenog lica (JMBG i adresa), broj telefona, opis osnovnih poslovnih aktivnosti, partneri u pravnom licu, broj bankovnog trans računa, napomena.

- i) Evidencija o centralnim obavještajnim informacijama je WEB – aplikacija koja služi za razmjenu i evidenciju obavještajnih informacija zaprimljenih putem Otvorene linije Stop švercu i e-mail stop-švercu o fizičkim i pravnim licima. Evidencija sadrži prijavljene lične podatke, a za registrovane porezne obveznike i podatke iz Jedinstvenog registra obveznika indirektnih poreza.
- j) Evidencija o obradi ličnih podataka putem video nadzora sadrži sliku, pokret, vrijeme i datum video zapisa.
- k) Evidencija o izvršenim kontrolama indirektnih poreza vodi se u elektronskom obliku i sadrži podatke sadržane u Jedinstvenom registru obveznika indirektnih poreza, ovisno od vrste i obima kontrole.
- l) Evidencija o Jedinstvenom registru obveznika indirektnih poreza vodi se u elektronskom obliku i sadrži slijedeće obavezne zajedničke podatke: *opći podaci*: naziv lica, porezni identifikacioni broj, ili jedinstveni identifikacioni broj, adresa, sjedište ili mjesto obveznika, telefon, telefaks i e-mail, kao i druge podatke za potrebe Uprave; *oblik organizovanja*: vrste i opis osnovne poslovne aktivnosti uključujući informacije o mogućem sudjelovanju u maloprodaji, brojevi transakcijskih računa otvorenih kod poslovnih banaka, podaci o odgovornim licima, jezik kojim obveznik želi da komunicira sa Upravom, datum podnošenja zahtjeva i upisa u Registar, identifikacioni broj; *ostali podaci u Registru za lice koje podliježe obavezi registracije za PDV su*: podaci o ovlaštenom zastupniku podnosioca zahtjeva za PDV, podaci o većinskom vlasniku, partneru u pravnom licu, podaci o vlasništvu svojih kompanija, partnerstva ili kapitala u drugom subjektu, podaci o računovođi podnosioca zahtjeva izvan kompanije podnosioca, podaci o prethodnom poslovanju koji se odnose na podatke o preuzimanju privrednih subjekata ili promjeni pravnog oblika, nadležna organizaciona jedinica, datum početka obaveze plaćanja indirektnih poreza i drugi podaci za potrebe Uprave; *Ostali podaci u Registru za lice koje obavlja vanjskotrgovinsko poslovanje su*: podatak o registraciji djelatnosti vanjskotrgovinskog poslovanja i drugi podaci za potrebe Uprave; *Ostali podaci u Registru za lice registrovano za obavljanje djelatnosti međunarodne špedicije su*: podatak o registraciji djelatnosti međunarodne špedicije, podatak o zastupanju lica u carinskom postupku, podaci o lokaciji za podnošenje carinskih prijava, carinska ispostava/carinski referat na graničnom prijelazu, podaci o licima koji će podnositi carinske prijave, podaci o roku važenja certifikata/licence za lica koja će podnositi carinske prijave, ako je isti ograničenog roka važenja, podaci o roku važenja certifikata/licence za lokaciju za podnošenje carinskih prijava, ako je isti ograničenog roka važenja i drugi podaci za potrebe Uprave; *Ostali podaci u Registru za lice proizvođača akciznih proizvoda sa sjedištem u BiH su*: vrsta domaće akcize, datum početka uvoza/izvoza i drugi podaci za potrebe Uprave;
- m) Evidencija o izdatim i zamijenjenim službenim iskaznicama vodi se u elektronskom obliku i sadrži: redni broj, serijski broj službene iskaznice, ime i prezime zaposlenog kome je izdata službena iskaznica, JMBG, naziv organizacione jedinice, datum zaduženja službene iskaznice, potpis zaposlenog koji zadužuje službenu iskaznicu, datum razduženja službene iskaznice, potpis zaposlenog koji razdužuje službenu iskaznicu, napomena.

Član 7. (Tačnost i autentičnost)

(1) Zaposleni u UIO zadužen za obradu ličnih podataka dužan je pravovremeno ažurirati podatke u zbirkama ličnih podataka iz člana 4. ovog Pravilnika na osnovu relevantne dokumentacije i osigurati dokaze o porijeklu ličnih podataka.

(2) Lični podaci u zbirkama ličnih podataka iz člana 4. ovog Pravilnika obrađuju se:

- a) Lični podaci u Evidenciji o zaposlenim obrađuju se u Sektoru za poslovne usluge;
- b) Lični podaci u Evidenciji o obračunu i isplatama plata obrađuju se u Sektoru za poslovne usluge;
- c) Lični podaci u Evidenciji o primjedbama na ponašanje zaposlenih obrađuju se u Odjeljenju za internu reviziju;
- d) Lični podaci u Evidenciji o izdatim prekršajnim nalogima i podnesenim zahtjevima za pokretanje prekršajnog postupka zbog povrede zakona o indirektnim porezima obrađuju se u Odjeljenju za pravne poslove;
- e) Lični podaci u Evidenciji o podnesenim izvještajima nadležnim tužilaštvima o postojanju osnova sumnje o počinjenim krivičnim djelima zbog povrede zakona o indirektnim porezima obrađuju se u Sektoru za provođenje i poštivanje carinskih i poreznih zakonskih propisa;
- f) Lični podaci u Evidenciji o nadgledanim predmetima u radu zbog povrede zakona o indirektnim porezima obrađuju se u Sektoru za provođenje i poštivanje carinskih i poreznih zakonskih propisa;
- g) Lični podaci u Evidenciji o obavještajnim predmetima u radu obrađuju se u Sektoru za provođenje i poštivanje carinskih i poreznih zakonskih propisa;
- h) Lični podaci u Evidenciji o nedostupnim poreznim obveznicima obrađuju se u Sektoru za provođenje i poštivanje carinskih i poreznih zakonskih propisa;
- i) Lični podaci u Evidenciji o centralnim obavještajnim informacijama obrađuju se u Sektoru za provođenje i poštivanje carinskih i poreznih zakonskih propisa;
- j) Lični podaci u Evidenciji o obradi ličnih podataka putem video nadzora obrađuju se u Sektoru za poslovne usluge i Sektoru za informacione tehnologije;
- k) Lični podaci u Evidenciji o izvršenim kontrolama obrađuju se u Sektoru za poreze i Sektoru za carine;
- l) Lični podaci u Evidenciji o Jedinstvenom registru obveznika indirektnih poreza obrađuju se u Sektoru za poreze i
- m) Lični podaci u Evidenciji o izdatim i zamijenjenim službenim iskaznicama obrađuju se u Sektoru za poslovne usluge.

Član 8. (Rokovi za obradu podataka)

Rokovi za obradu podataka u zbirkama ličnih podataka iz član 4. ovog Pravilnika određeni su u Listi kategorija registraturne građe sa rokovima čuvanja u Upravi za indirektno oporezivanje.

GLAVA III. DAVANJE LIČNIH PODATAKA KORISNIKU I PRIJENOS PODATAKA U INOSTRANSTVO

Član 9. (Davanje ličnih podataka korisniku)

(1) Davanje podataka sadržanih u zbirkama ličnih podataka iz člana 4. ovog Pravilnika trećoj strani se vrši u skladu sa odredbom člana 17. Zakona i člana 52. Zakona o postupku indirektnog oporezivanja („Službeni glasnik BiH“, broj 89/05) ukoliko su u pitanju javni organi i ukoliko je istim potrebno za izvršavanje zakonom utvrđene nadležnosti.

(2) Davanje podataka sadržanih u zbirkama ličnih podataka iz člana 4. ovog Pravilnika korisniku, koji je pravno i fizičko lice, vrši se u skladu sa Zakonom o slobodi pristupa informacijama u Bosni i Hercegovini („Službeni glasnik BiH“, br. 28/00, 45/06 i 102/09).

(3) Davanje podataka iz evidencije o zaposlenim i evidencije o obračunu i isplatama plata vrši se institucijama, ustanovama i zavodima radi reguliranja radno pravnog statusa kao i prava i obaveza zaposlenih u UIO.

Član 10. (Prijenos podataka u inostranstvo)

Lični podaci koji se obrađuju u zbirkama ličnih podataka iz člana 4. ovog Pravilnika mogu se iznositi iz Bosne i Hercegovine na način propisan Zakonom.

GLAVA IV. OSTVARIVANJE PRAVA NOSIOCA PODATAKA

Član 11. (Postupak po zahtjevu nosioca podataka)

(1) Po prijemu zahtjeva nosioca podataka, koji se odnosi na informacije u vezi obrade njegovih ličnih podataka, UIO nosiocu podataka u roku od 30 dana dostavlja odgovor jednom godišnje bez naknade, u skladu sa članom 25. stav (1) Zakona.

(2) Osim dostavljanja informacije nosiocu podataka jednom godišnje bez naknade, UIO uz odgovarajuću naknadu, nosiocu podataka dostavlja informacije u bilo koje vrijeme, u skladu sa članom 25. stav (2) Zakona.

(3) UIO može odbiti zahtjev nosioca podataka, koji se odnosi na informacije u vezi obrade njegovih ličnih podataka, kada je ispunjen jedan od slučajeva propisan u članu 28. Zakona.

Član 12. (Ispravke i brisanje podataka)

UIO obavještava nosioca podatka i treću stranu, kojima su preneseni podaci, o blokiranju, ispravkama i brisanju ličnih podataka, ako se time ne narušava opravdan interes nosioca podataka, u skladu sa članom 27. Zakona.

GLAVA V. EVIDENCIJE IZ ZAKONA

Član 13. (Evidencija o zbirkama ličnih podataka)

(1) UIO vodi evidenciju o svakoj zbirci ličnih podataka iz člana 4. ovog Pravilnika, u skladu sa članom 13. Zakona.

(2) Evidencija iz stava (1) ovog člana sadrži osnovne informacije o svakoj zbirci ličnih podataka i vodi se na obrascu 1. koji je sastavni dio ovog Pravilnika, a propisan je Pravilnikom o načinu vođenja i obrascu evidencije o zbirkama ličnih podataka („Službeni glasnik BiH“, broj 52/09).

Član 14.
(Evidencija o davanju ličnih podataka korisniku)

- (1) UIO vodi evidenciju o ličnim podacima koji su dati trećoj strani i svrsi za koju su dati, u skladu sa članom 17. stav (5) Zakona.
- (2) Evidencija iz stava (1) ovog člana vodi se u elektronskom obliku na obrascu 2. koji je sastavni do ovog Pravilnika.

Član 15.
(Vođenje evidencija)

Evidencije iz člana 13. i 14. ovog Pravilnika vode se u Kabinetu direktora.

Član 16.
(Plan sigurnosti)

- (1) UIO donosi Plan sigurnosti, koji sadrži tehničke i organizacione mjere za bezbjednost podataka koji se obrađuju u UIO, u skladu sa Pravilnikom o načinu čuvanja i posebnim mjerama tehničke zaštite („Službeni glasnik BiH“, broj 67/09).
- (2) Procjenu adekvatnosti tehničkih i organizacionih mjera zaštite ličnih podataka vrši Stručni kolegij UIO najmanje jednom godišnje.

GLAVA VI. PRIJELAZNE I ZAVRŠNE ODREDBE

Član 17.
(Usklađivanje s odredbama Pravilnika)

Stupanjem na snagu ovog Pravilnika postojeće evidencije u kojima se vrši obrada ličnih podataka uskladit će se s odredbama ovog Pravilnika.

Član 18.
(Stupanje na snagu)

Ovaj Pravilnik stupa na snagu osmog dana od dana objavljivanja u „Službenom glasniku BiH“.

Broj: 02-2-1321-1/12
Banja Luka, 12.06.2012. godine

DIREKTOR
Dr.sc. Miro Džakula

EVIDENCIJA O ZBIRCI LIČNIH PODATAKA

Pojmovi koji se koriste u ovom obrascu imaju značenje utvrđeno Zakonom o zaštiti ličnih podataka («Službeni glasnik BiH», br. 49/06, 76/11 i 89/11) i Pravilnikom o načinu vođenja i obrascu evidencije o zbirkama ličnih podataka («Službeni glasnik BiH», broj 52/09)

Ova evidencija odnosi se na:

a) prethodnu obavijest o namjeravanoj uspostavi zbirke ličnih podataka datum podnošenja prethodne obavijesti

b) prvo prijavljivanje zbirke ličnih podataka – evidencija
br. _____

c) izmjenu/dopunu evidencije br. _____
datum podnošenja evidencije/izmjene/dopune _____

OSNOVNE INFORMACIJE O ZBIRCI LIČNIH PODATAKA**1. Naziv zbirke ličnih podataka:**

2. Podaci sadržani u zbirci ličnih podataka obrađuju se:

- ručno
- automatskom obradom ličnih podataka
- djelimično automatski s pripadajućom ručnom datotekom

3. Kontrolor zbirke ličnih podataka:

Naziv/ime: _____

Ulica i broj: _____

Mjesto: _____

Broj telefona: _____

Broj telefaksa: _____

4. Obrađivač zbirke ličnih podataka:

Naziv/ime _____

Ulica i broj: _____

Mjesto: _____

Broj telefona: _____

Broj telefaksa: _____

5. Poslovi obrade povjereni obrađivaču:

6. Svrha obrade (opis):

svrha obrade određena je:

- zakonom
- od strane kontrolora zbirke ličnih podataka uz suglasnost nosioca podataka

7. Pravni osnov uspostave zbirke podataka:

- naziv i odredbe zakona:

- način davanja suglasnosti nosioca podataka za prikupljanje i obradu njegovih ličnih podataka:

8. Vrsta ličnih podataka koji se obrađuju

Zbirka ličnih podataka sadrži sljedeće vrste ličnih podataka:

Vrste podataka:
1.
2.
3.

9. Kategorije nosioca podataka

Zbirka ličnih podataka odnosi se na sljedeću kategoriju lica:

Kategorija lica:
1.
2.

10. Izvor podataka i način prikupljanja ličnih podataka

Podaci navedeni pod tačkom 8. ove evidencije dobiveni su iz ovdje navedenih izvora i na ovdje navedene načine:

Izvor dobivanja informacija:	Način dobivanja informacija:
1.	1.
2.	2.

11. Vrste prenesenih podataka, korisnici i pravni osnov

Sljedećim podacima iz tačke 8. će biti omogućen pristup ovdje navedenim korisnicima po ovdje navedenom osnovu:

Vrste prenesenih podataka	Korisnici:	Pravni osnov:
1.	1.	1.
2.	2.	2.

12. Rokovi za brisanje podataka

Lični podaci sadržani u ovoj zbirci ličnih podataka čuvaju se u vremenskom periodu:

Datum uspostave zbirke ličnih podataka _____

Datum brisanja ličnih podataka _____

13. Unošenje odnosno iznošenje ličnih podataka iz Bosne i Hercegovine

Da li su lični podaci sadržani u ovoj zbirci dati na korištenje licima ili institucijama izvan Bosne i Hercegovine?

NE _____

Da, sljedećim korisnicima u sljedećim zemljama u ovdje navedenu svrhu, na osnovu ovdje navedenog propisa, odnosno suglasnosti nosioca podataka:

14. Naznaka preduzetih mjera zaštite ličnih podataka

U cilju zaštite ličnih podataka preduzete su ovdje navedene organizacijsko tehničke mjere zaštite

Potpis odgovornog lica i pečat:

Obrazac 2.

BOSNA I HERCEGOVINA
UPRAVA ZA INDIREKTNO-NEIZRAVNO OPOREZIVANJE

(organizaciona jedinica)

EVIDENCIJA O LIČNIM PODACIMA DATIM NA KORIŠTENJE KORISNICIMA
LIČNIH PODATAKA
I SVRSI ZA KOJU SU LIČNI PODACI DATI

Redni broj	Zaposleni koji obrađuje lične podatke (ime i prezime, radno mjesto, organizaciona jedinica)	Datum davanja ličnih podataka	Vrsta ličnih podataka koji se daju na korištenje	Pravni osnov i svrha za koju se lični podaci daju	Napomena
1.					
2.					
3.					